

,Segremors' B

Gotha, Forschungsbibl. der Universität Erfurt, Cod. Memb. I 133

1^{ra}

- 1 ob v̄ got beschert daz heil.
 daz ir uch diffen man in wert.
 v̄n v̄ der fige fi beschert.
 daz ir danne fit gemant.
 5 daz ir sine zefewe hant.
 nur zû bûze wollen geben.
 sol ich den lieben tac leben.
 so vûr klage ich min ouge wol.
 ich tv̄n ez ob ich leben fol.
 10 des fit ficher fvnder wan.
 daz er v̄ hat getan.
 des mv̄z er mir zv̄ bote ftan.
IN den dingen schein von dan.
 Maurin der vûr ferete man.
 15 v̄n reit kegen mvnpholie.
 zv̄ der massenie.
 Segremors reit vurebaz.
 v̄n fuchte als er sich vûr maz.
 ob her iergen queme.
 20 da er ich^t vûr neme.
 von gawanes reyfe.
 her reit an grozer vreyfe.
 in dem walde manigen tac.
 daz er dicke angeftes pflac.
 25 v̄n felten zv̄ gemache quam.
 vnz der winder ende nam.
 v̄n der fvmer zv̄ gienc.
 eine straze her gevienc.

die vûrte in vz dem tanne
 30 ich fage v̄ von einem manne.
 die da vûr dem walde faz.
 den man z̄v̄ grozen tugenden maz.
 dem was daz lant vnder tan.
 her hiez firikirfan.
 35 her was ein vromer herre.
 na vnde verre.

1^{rb}

sprach man im daz befte
 sin lant v̄n̄ l̄in vefte.
 daz hiez Bonkovereȳe
 40 an deme vûremeȳe.
 heter sich angenommen.
 daz al die f̄yne m̄v̄ften komen.
 z̄v̄ einer hochzit der er pflac.
 die da iarliches lac.
 45 vmme die hochzit was ez fo gewant.
 swaz man gef̄yndes vant.
 vnder alle f̄ynen livten.
 die des iares wolten brvten.
 den gebot man dare.
 50 so machte man zwo ftoltze fcare.
 ein die man. eyne die wip.
 die ziereten beidenthalben den lip.
 so fie befte kvnden.
 an den felben ftvnden.
 55 do man z̄v̄ der hochzit ftalte.
 do reit vz dem walte.
 Segremors der ftoltze man.
 v̄n̄ volgete der ftraze dan.
 alfo fie in leite.

60 do was daz volc bereite.
 vñ zogete an eynen plan.
 da die hochzit folte vntftan.
 der getwerc der daz gefchûf.
 daz ſich ſegremors vz hûf.

65 der was ingefinde da.
 do ſegremors quam ſo na.
 daz er in wol erkante.
 vz dem volke er rante.
 der helt ellens riche

70 vñ ſprach vil vroliche.
 ich hoffe vñ gedinge.
 daz mir nv gelinge

1^{va}

nv ich vch here bringe.

Herre ſprach malgrim.

75 ir fûlt mir nv gût ſin.
 ob v̄ lucke hie gefcicht
 so ne fûlt ir min vûrgezzen nicht.
 alſus conduwerter in.
 vnz ſie quamen dort hin.

80 da die ſamnvng was.
 geleit of ein gras.
 die livte kaffeten alle dare.
 do wart der wirt ouch geware.
 der ylete z̄v̄ ſineme grûze.

85 ſin antvanc wart fûze.
 wan der was ein vrome man.
 ein alt herre wol getan.
 ſin har was im von altere wiz.
 des heter harte gûten vliz.

- 90 v̄n hetes also wol gepflogen.
 daz er hete einen kr̄ul gezogen.
 der lac im ebene gen̄c.
 einen blomen kranz her offe tr̄uc.
 also finer hochzit wol gezam.
- 95 mit vlize her des ware nam.
 daz manz da wol begienge.
 v̄n die liute wol vntfienge.
 nv ileter valte.
 kegem deme galte.
- 100 v̄n vntfienc den scone v̄n wol.
 also man werde livte sol.
 nach dem antvange.
 ne beiter nicht lange.
 e. dan er den reifigen man.
- 105 alfus vragē began.
 saget mir herre ob ir s̄it.
 her z̄v vnser hochzit.
 durch disse aventivre komen.

I^{vb}

- dane han ich nicht von v̄urnōm.
 sprach Segremors fan z̄v stvnt.
 herre so tvn ich v̄ kvnt.
 ich hete gedacht.
 daz der getwerc vch hete bracht.
 of ēyne rede ich sage v̄ wie.
- 115 die hochzit die wir haben hie.
 die ist nach einer wonheit.
 jarliches hie geleit.
 also bescheidenliche.
 daz arm vnde riche.
- 120 vnder alle diffen livten.

die iarliches wollen brivten.
 of diffen tac komen here.
 so fol mit fwerte v̄n mit spere.
 ein man ervechten die gewalt.
 125 daz er z̄v meiftere ift gezalt.
 vnde fīch gefelle.
 swie her felbe welle.
 der kv̄re fol an im ftan.
 v̄n hat daz lange her getan.
 130 des ne mac man keynen wandel han.
Tete ieman des doch nene fcicht.
 alfo tvmpliches icht.
 daz er iz wider fpreche.
 vnde den kv̄re breche.
 135 der w̄rde v̄r tirbet.
 vnde ḡāhes geftirbet.
 doch wenich ieman alfo tobe.
 nv han ich hie an m̄ynem hobe.
 eine twerginne.
 140 nv wirbet vmme ir m̄ynne.
 diffē twerc der hie ftat.
 vnde fuchet manigen rat.
 v̄n manigen fwinden z̄ge.
 wie er fīe werben m̄ge.

2^{ra}

145 nv wil ich v̄ fagen me.
 hie lit ein wirder in dem fe
 der fcone ift v̄n w̄nnichlich.
 vnde aller zirheite rich.
 da ift ewich meye.
 150 Karmēte hiez ein feye

die was da wile wonhaft.
 mit ir wilheite kraft.
 gefcûf fie daz der selbe plan.
 gebloet ymmer me fol stan.
 155 da rifen blûmen zÿ aller zit.
 die vogeles lîngen wider strit.
 an manigem lûzen done.
 die anger ist so scone.
 daz da gût wesen were.
 160 ob ane hertze fwere.
 die livte da wesen mÿlsten.
 es mÿchte sie wol gelÿsten.
 wan da ist luft vnde schate.
 vñ gûter kvrtzewile state.
 165 man mÿchte da wol vinden.
 luft von gûten winden.
 gûten ruch von wûrtzen.
 solde ein man die zit da kûrtzen.
 so sprechich wol an vnder list.
 170 daz bi hvndert milen ninder ist.
 ein stat also geneme.
 die baz dar zÿ gezeme.
 oder also rechte queme.
Eÿn dinc sage ich v vûr war.
 175 des sint izzo wol zehen iar.
 daz min vrouwe of den wirder quam.
 vñ sich daz an nam.
 daz sie da wesen wolde.
 die wile sie leben folde.
 180 vñ hiez da wirken eÿnen tûrm.

2^{rb}

den anger noch maniger ftûrm
nicht gefcaden kvnde.
vñ hiez den von grvnde.
von marmelfteyne mvren.
185 manigen fteyn turen.
sazte man oben an daz werc.
die vber tal vñ uber berc.
verre tragen irn fchin.
ich wene icht werkes mv̄ge fin.
190 daz fîch dem geliche.
valt vnde riche.
wan fîe hat gûtes die macht.
do der tv̄rm was vollen bracht.
do leite mÿn vrouwe vûre.
195 den ritteren allen einen kv̄re
swer ir mÿnne gerte.
daz fîe da beherte.
da mit eyneme frite.
vñ hiez daz kvnden wite.
200 swer daz wagen wolte.
daz der komen folte.
of den plan.
vñ eynen ritter da beftan.
mit fulher vnder dinge.
205 swie ez im da erginge.
ez were zv̄ fcaden oder zv̄ vromen.
daz er nÿmmer folde wid' komen.
wan fîe den ftrit alfo gebot.
der eine folde da legen tot.
210 vnde der den fege neme.
daz der zû ir queme.
vnde belibe mit ir da.

- vnz lichte dar na.
 in ein ander irfluge.
 215 vñ fwenne ez fo getruge.
 daz sich ein ritter da vur rite.
- 2^{va}
- daz er mit im z^o hant da frite.
 vñ fwem des got gvnde.
 daz er gelucke vunde.
 220 daz der da beftvnde.
Svs wart die reise of geleet.
 vñ z^o iamere gefteget.
 wan hie was ritter gen^oc.
 die ir stoltheit v^ur tr^uc.
 225 daz sie dar quamen.
 vñ die auentivre namen.
 des maniger vil fere vntgalt.
 ein ritter der heiz gr^ymoalt.
 behielt da den ersten ftrit.
 230 vnde was da manige zit.
 daz im nie wart wider riten.
 vñ wart doch dicke beftriten.
 her was ein vurfte wolgeborn.
 z^o allen tugenden vz irkorn.
 235 manlich vnde milte.
 gev^uge mit dem scilte.
 ein helt z^o dem fwerte.
 z^o schinfe ein geverte.
 z^o allen dingen gerecht.
 240 h^o was mit den krechten knecht.
 mit den herren herre
 na vnde verre.

was fin lop gebreitet.
 do hete in vûr leitet.
 245 sin manlich hertze vñ fin.
 of fus getane vngewin.
 daz er ouch here reit.
 vñ diffe auentivre irftreit.
 er hete hie bi finen tagen.
 250 manigen ritter erflagen.
 des twanc in aber ehaft not.
 sit er sich z̄v der vreise erbot.

2^{vb}

do m̄v̄fte er weren den lip.
 also behielt her daz wip.
 255 mit starker aventivre.
 vnz an daz iar hivre
 do quam ein ritter her geriten.
 der streit mit im nach heldes fiten.
 der was ein starc man als ir fit.
 260 von im wart ein so herte ftrit.
 daz man da von mac wünd' fagen.
 da wart Grimoalt erflagen.
 vñ der den sege da gewan.
 der ift nu der vrouwen man.
 265 vñ m̄v̄z da wesen al die vrift.
 die er vnvûr feget ift.
 an fus getane vreise.
 geuellet uwer reife.
 sol ez v̄ fo wol ergan.
 270 daz ir den ritter m̄v̄get erflan.
 so m̄v̄zet ir selbe da bestan.
Bitter was daz mere.

vñ brachte hertze fwere.
dem ritter vnde der maget
275 sie waren beide nach vûr zaget.
wan al daz in ie gefcach.
daz m̄chte sich vil vnnach.
gelichen dirre leide.
des waren fie nach beide.
280 von iren fynnen komen.
do fie heten vûr nomen.
als in karnoÿt vûr iach.
daz in z̄v̄ fcheidene gefcach.
do wart der fuzen Nyobe.
285 von grozen iamere fo we.
daz fie vnvûr fvnnen faz
der ere fchrin der felde ein vaz.
die reyne wirtÿnne.